

BELGICAE TABULA.

Germania magna coniungitur. In Occidentem Anglorum, Hispanorum, Lusitanorum, Afrorum, ac Indorum, cum Orientalium, tum Occidentalium commercia prompta sunt. Verum ut eundem locum non omnibus beneficijs cumulat natura: ita alijs aliorum defectus compensat. Cum enim incolis suis alendis, vix ægreque sufficiat hæc regio, loci commoditas ei inopiæ opitulatur: ita ut per Oceanum eius victualia conuehantur, maiori vbertate ac varietate, quam vsquam gentium nascantur. Animalia nulla venenata producit, nisi æstas interdum accidat solito calidior, excepta Hollædia ac Zelandia, quæ cum paludibus, è quibus Tarui seu Cespites eruuntur, sæpenu- merò fœdi, colubros virosissimos gignunt. Thermas vix habet alias, quam Aquisgranenses. Nec minæra multa habent. Salem quem co- quunt, multiplicant magis, quam ut conficiant: Nisi enim Hispani- cum habeant, suum nunquam conficiunt. Plumbi, cuprique parum, ferri satis magnam copiam ex Leodicensis diœcesis ferrifodinis ac Hannoniæ. Cuius hic obiter mentionem faciemus, tantisper dum particularem eius descriptionem exhibeamus. Est itaque hic tractus qui sub Neruiorum aliquando imperio fuit, ac sæpius nomen muta- uit: antiquitus enim, Pannonia dicta est, à Pan Idolo, quod colebant: deinceps Carbonarius saltus vocabatur, ab eiusdem in ea nominis sylua. Post etiam inferior Picardia nuncupata, tandem Hannoniæ nomen adsciuit, ab Hannone Troiano, ut quibusdam placet, aut po- tius ab Hayne flu. qui eam secatur mediam. Terra fertilis, tum quo ad ærem, tum quo ad agrum: lacubus, fontibus, fluuijsque irrigua, pra- tis læta. Hinc inde montosa, minæris non caret ferri, plumbique ac Lithantracas etiã gignit, sicut & Leodiensis tractus, lapidis genus est, quo ignis focusque alatur. Ita ut idem ager intra viscera sua materiã foco extra in superficie, victualia ac lætissimas segites gignat, præter hos lapides, & alia tria lapidum genera gignit, inter quæ & marmor



colore variegatum ornamentis ædificiorum maximè idoneum. Vrbes mœnibus cinctas, ad 24. habet, quarum præcipuæ Mons, & Valen- cenæ. Regio ita amœna, ac rebus memoratu dignis referta, ut dici vix queat. Rigatur flu. Scaldis, Sambra, Tenera, Hayne, ac compluribus riuis, lacubus, stagnis, ac fontibus conspergitur, supraque mo- dum fertilis est. syluis etiam ornata. Terminatur autem à Septen- trione Brabantia ac Flandria, à Meridie Campania ac Picardia, ab Ortu Comitatu Namurcensi, ac Episcopatu Leodiensi, ab Occasu partim Scaldi flu. partim Flandria Gallica. Hæc de Hannonia hoc loco dixisse sufficiat. Reliquarum autem prouinciarum situs, qualita- tes, contenta, termini que suis locis pertractantur. Totius autem Bel- gicæ situm sub oculis hic apponere vix fieri possit, propter regionis latera inæqualiter protensa, eaque etiam tabula hæc non omnia exhi- bent, tamen ne deesse videamur in hac parte, eam sic adiiciemus, ut in longitudine sumpto initio à Rotomago 22. gradibus 50. minutis, ab Occidente eam subiiciamus, ac in Orientem Spiram, siue ad Ne- metum urbem vsque, extendamus, ad 30. gradus, & 56. minuta. A Meridie autem Argentoratum initium præstabit, ad gradum latitudi- nis 48. & minuta 45. in Septentrione terminabit extrema Hollandiæ ora, sub gradum latitudinis 53. & minuta 12. ita ut incipiat à princi- pio 8. climatis, quod dicitur per Borysthenis ostia, & extendatur vsq; sub principium 10. quod est per Tanais ostia, ita ut parallellus eius Australissimus sit 17. dies prolixior ibidem horarum 16. medius etiam 19. diesque prolixior horarum 16½. Borealissimus autem 20. aut paulò ultra, dies autem ibidem prolixior 16¾. Ita ut longi- tudo computata ab Occidente in Orientem, complecta- tur mill. Germanica 95. Italica 380. latitud. à Me- ridie in Septentrionem mil. Germa. 67. Italica 268.

LEODIENSIS EPISCOPATUS.

Iulius Cæsar Commentariorum suorum belli Gallici lib. 5. refert legionem unam cum quinque cohortibus, quam proximè trans Padum conscripserat, ab se in Eburones (quorum pars maxima est inter Rhenum & Mosam, quiq; sub imperio Ambiorigis & Catiulci erant) missam, eisdemq; C. Titurium Sabinum & L. Aurumultium Cottam legatos præfectos fuisse, quos una cum legione prædicta ab Ambiorige ac Catiulco astu quodam circumuictos caesosq; ad internecionem omnes esse ipse testis est. Ab ea itaque Legione occisa Leodiensem ciuitatem nomen accepisse auctor est Hubertus Thomas, & ad eam originem alludere etiam videtur Gallica vox, quibus *Liege* ea urbs dicitur, quasi *Legio* dicerent. Sunt tamen qui nominis Etymon referant ad ignobilem quendam riuulum, cui *Legia* nomen est, haud procul *Ans* oppido scaturientem, qui tritus circiter emensis milliariibus *Leodium* intrans, *Mosæ* miscetur. Cumq; Episcopatu amplissimo gaudeat, populos sub sese complectitur Cæsari veteribusq; notos ac celebratos Eburones, quorum vestigium retinet *Ebura* oppidulum, milliario uno ab *Leodio* distans. *Tungros* qui Germanos se primi dixere, à *Leodio* & *Traiecto* ad *Mosam* æquis interstitijs trium milliariorum *Ieckræ* flu. sinistraripæ insistentis oppidum. *Centrones* eo loco habitasse cõtendunt multi, ubi hodie nonnihil mutata voce *Saint Truden*, id est *Sæctæ Gertrudis* Abbatia videtur, à *Leodio* sex, à *Tungris* tribus distans milliariibus. *Ceresinos* autem, quorum meminit Cæsar apud *Gerei* castrum habitasse dicunt, id à *Leodio* tribus abest milliariibus. Continet verò *Leodensis* Episcopatus territorium, Ducatum *Bouillonensem*, cuius *Dux* *Godefridus* anno reparatæ salutis octuagesimo nono supra millemum in expeditione *Ierosolymitana* primus conscensis urbis mœnibus, victrices erexit manus, ob idq; *Ierosolymitanus Rex* salutatusuit, quanquam regnum sine titulo usurparit, ei sequenti anno successit *Balduinus* frater, quem primum *Ierosolymorum regem* Histori dicunt. *Marchionatum* item *Franci-Montensem*, *Comitatum Borclonensem* seu *Lootensem*, & *Comitatum Hasbania*, cuius ciuitas ræcipua est *Borckvorm*. *Baronatus* verò plures complectitur, *Abatias* opulentissimas ultra quinquaginta. *Oppida* autem ciuitateq; muris vallisque munita præter eas quæ *Traiectensis* sunt *Dicæstos*, viginti quatuor. Earum prima maximaq; est *Leodensis*, eamq; *Metropolitana*, mirum in modum inter montes celsissimos, in amœnissima quadam valle extructa, *Mosæ* flu. perluitur, is duobus imis urbem ingressus, in cõplufulas insulas elegatissimas eam dispescit, bideamq; præter *Legiam* paulò ante nominatam, tribus pulcherrimis amnibus augetur, *Vta*, *Vesæ*, & *Ambuaro*, ex *Ardennæ* saltu prouentibus pisculentissimis. Abundat insuper urbs ipsa fontium perenium perpetua scaturigine, complures enim domos inuenias tribi aquarum viuientium fontibus ornatas. Ciuitas est amplissima, utpote quæ suo cõplexu contineat montes altissimos, vallesq; haud inuis profundas, torrentes complufulculos, vineta haud pauca. *Ædificijs* constat lapideis pulcherrimis, palatium habet Episcopale magnificentissimum, Collegia, Monasteriaq; ac Hospitalia, seu *Xeodochia* permulta. Templum in urbe, tum in suburbijs ultra cerum. Ciuitas est populosissima, cuius *Incolæ* *industrij* & ad quauis bene, lingua vtuntur Gallica, eaq; admodum corrupta, quod int vttramque Germaniam Galliamq; fiti, ab vtisque nonnihil mutuntur. *Reliquæ* urbes sunt *Bouillon*, *Ducatus* titulo insignis, *Borcloon* *Comitatus* dignitate pollens, quemadmodum & *Borckworm* *Tungri* ciuitas olim maxima ac *Metropolitana*, *Episcopali* dignitate clara Anno Christi 101. is *Episcopatus* postmodum Anno nimirum salutis 138. *Traiectum*, tandem Anno à *Natiuitate* Christi 71 *Leodium* trãslatus est. *Tungrorum* autem ciuitas nobilissima, ab *Attila* *Innorum* rege funditus euerfa destructaq; fuit, præter cætera inania magnificaq; ædificia ultra centum templorum ruinas videre erat: de eius amplitudo facile colligitur. Postmodum tempore *Caroli* *III* *Imperatoris* denuo à *Nordmannis* excisa spoliataq; fuit. Siue ex potentissima amplissimaq; ciuitate (ea est rerum omnium cõsuetudo ac instabilitas) in imbecille ac exiguum euasit oppidulum haud secus *Hoy* ciuitas olim famosa,

ampla potensq; auctoribus nonnullis *Benefacta* appellabatur, splendoris antiqui propter crebras euerfiones à barbaris nationibus perpeffas, vix quidquã retinuit, quin & ipsum nomen mutauit, hac ætate *Hoy* à torrente quodam impetuoso, ibidem in *Mosam* influentem dici cœpit. *Hasselt* *Demeræ* fluij sinistraripæ insistit. *Dinantum* autem ad *Mosæ* flu. ripam dexteram situm: ciuitas olim negotiationi ac mercaturæ dedita, ac nobilis, verum crebris incurfionibus ac bellorum tumultibus fatigata, ad inferiorem nunc fortunam redacta est. *Maseick* ripæ sinistræ *Mosæ* fluij adiacet, quemadmodum & *Stoc-kem*. *Bilsen* ad *Demeram* flu. situm exiguum oppidulum. *Saint Truden*, aliàs *Centron*, à *Centronibus* Cæsari nominatis populis dici putatur. *Reliqua* oppida huius tractus sunt *Tuinum*, *Viferum*, *Varem*, *Beringium*, *Herck*, *Bree*, *Per*, *Hamont*, *Sinei* antiquissimum oppidum, & *Couines*. His omnibus ob vicinitatem adiungam *Aquisgranensem* urbem Imperialem, loco peropportuno optimoq; sitam, inter *Brabantia*, *Lemburgi*, *Iulex*q; *Ducatus* ac *Leodij* *Episcopatum*, distantem à *Traiecto* ad *Mosam*, quatuor & tantundem à *Duren*, tribus à *Lemburgo*, sex à *Leodio*, & decem à *Colonia* *Agripina* milliariibus. Ciuitas à *Grano* *Imperatoris* *Neronis* fratre fundata, teste *Paulo* *Æmilio*, qui secus *Thermas* aquarum calidarum ibidem scaturientium nobile magnificentumq; extruxit ædificium, suoq; nomine nobilitauit, vnde ab aquis calidis, ac à fundatore primo composita dictione, *Aquisgranum* vocatur. Ab *Attila* *Hunorum* rege miserè olim vastata, ac grauiam perpeffa, ac à *Carolo* *Magno* *Imperatore* non solum restaurata, sed & ampliata auctaq; omnibusq; modis nobilitata ac ornata est, constituens eam cis *Alpes* *Imperij* regniq; *Gallici* primariam sedem, ac perpetua lege ordinans *Romanos* *reges*, electos designatosq; in ea urbe corona ferrea, *Mediolani* argentea, *Romæ* autem aurea coronandos. Urbs est nobilissima, aere fruitur saluberrimo, agroq; gaudet circum circa pulcherrimo, quanquam quo ad ædificia habitationesq; attinet, nequaquam veteri famæ, nobilitati splendoriq; respondeat. *Balnea* *Thermas*q; tam intra urbis mœnia, quam extra, è terra erumpentibus aquis natura calidis habet, multis diuersisq; morbis apprimè vtiles. Est & reliquæ regionis aer optimæ temperiei, & solum frumenti omnis generis, quemadmodum & fructuum fertilissimum & amœnissimum. *Omnis* ferè præterea *Leodensis* urbis vicinia vinum profert, quanquam admodum tenue ac ignobile. *Carnis*, *piscium*, *ferinarum* venationis ingens copia est. Vix tandem possibile æstimant regionem quampiam reperiri pulchriorem, magisq; fertilem aut feliciorem hac ipsa, siue aerem species, siue limpidißimos fluios vndique agros irrigantes, siue syluas opacas, montes vallesq; vineta & fructus, per omnem vicinum agrum prouenientes, siue tandem ferinarum venatum, piscationem diuitem, amplumq; aucupium cuiquam comparare velis. *Fluminibus* vndique rigatur, quorum maxima pars *Mosæ* miscetur *Legia*, *Vta*, *Vesæ*, *Ambuanus*, *Ieckel*, *Hoy*, *Vesera*, *Vll*, *Voer*, *Vrt*, ac nonnulli alij ignobiliores riuuli, reliqui per *Demeram* ad *Scaldim* deferuntur: vti sunt *Ratbeck*, *Stimmer*, *Herck*, *Hesp*, amnes limpidißimi. *Syluis* affatim plena, *Ardennæ* portiones sunt, *Sylua* *Iulio* Cæsari celebratissima. Eius portiuncula *Comitatu* *Namurenfi* vicina, *Saltus* *Marglianus* dicitur. *Montibus* regio hinc inde tumulatur, vnde *Minæ* *rarum* *fodinas* cernere est, nam præter *ferri* *fodinas*, quæ iuxta *Hoy*, ac *Dinantum* oppida exercent, ubi & *Alabastri* *Marmoris*q; variegati ac diuersi coloris ingens copia eruitur, *plumbi* quoque *aureiq;* nonnihil reperitur. Ipseq; *Leodensis* ager foueis cuniculis inimum actis, ad miraculum profundis, assidue fatigatur, vnde & *ferri* & *carbonum* quos *Lithanthraces* vocant, vernacula lingua *Steen-kolen*, ingens eruitur copia. *Salis* *nitri* vix vsquam plus fit. *Thermis* insuper aquarum calidarum haud minus ea regio à natura donata est, præter enim illas quas paulò antè nominatissimas *Aquisgranenses* diximus, sunt & *Tungrenses* *Thermæ*, quorum *Plinius* lib. 31. *historiæ* *Naturalis* meminit his verbis. *Tungri* ciuitas *Galliæ* fontem habet insignem, plurimis bullis stillantem ferruginei saporis, quod ipsum non nisi in fine potus intelligitur: purgat hic corpora, tertianas febres discutit, calculorumq; vitia, eadem aqua igni admota turbida fit,

**EPISCOPATUS
LEODIENSIS
PROVINCIA.
AVTHORE IOHANNE A
SCHILDE**



**TREVIREN-
SIS
EPISCOPATUS
EXACTISSIMO
DESCRIPTIO
PER
IOHANNEM
A SCHILDE**

T R E V E R E N S I S E P I S C O P A T V S .

bida fit, ad postremum rubescit. Hæc Plin. verùm is fons non ipsa Tungrorum vrbe, sed octo miliaribus ab eadistante loco visitur, à Leodio quinque, à Lemburgo duobus cū dimidio, haud procul Spay oppidulo, eum fontem acidum, lingua autem vernacula *Zoerenborn* vocant accolæ. Lucus est amœnissimus Ardennæ sylvæ ramus, plurimis scaturiginibus aquarum limpidissimarum refertus, quarum aliæ aliæque sunt complexionis ac proprietates ad varia morborum genera efficacissimæ, omnium autem præcipuus in ædito monte situs Sauenier appellatur, medeturque tertianæ febrī, hydropicis, calculosis, hæcticæ febrī, stomachum purgat, nec non & guttæ Scythicæ prodest, reliquæ notæ singulæ cum Pliniana descriptione concordant. Atque hæc sunt quæ de Leodiensis Episcopatus diocesi referre libuit. Terminatur ea à Septentrione & Occidente Brabantia, ab Oriente partim Mosæ, partim Lemburgij Ducatu, à Meridie Namurtiensis Comitatu. Locus eius Occidentior longitud. habet grad. 27. vbi Namur. Orientalior autem grad. 28. min. 7. vbi Lemburgum, Meridionalior autem latitu. habet grad. 49. min. 42. vbi S. Hubertus, Septent. autem grad. 51. min. 8. vbi Stockum, medio itaque octauo climati subest: parallelus autem per eam transiens decimus octauus est, numero Heterosciorū verò 12. diem perinde totius anni maximā habet horarum 16 $\frac{1}{4}$. longa autē est ab Occasu in Ortum mill. Germa. 13 $\frac{1}{2}$. Italicis autem 54. lata verò à Meridie in Septent. German. 21 $\frac{1}{2}$. Italicis autem 86.

T R E V E R E N S I S E P I S C O P A T V S .

Treuirenses cum Italiæ Viterbo ac Genua de antiquitate vrbis suæ certant, vtrisque ciuitatem suam asserētibus totius Europæ primam. De ea autem lite non est nostri instituti hîc quidquam referre, primam tantum foundationem eius vrbis, vnde nominis origo emergat ex eorū Chronico breuibus adducere libet, id in hunc ferè modū tradit. Quod cum ob perpetrata in ea scelera, peccataque; Deus vniuersam terram Diluuiū suffocasset, neminemque præter Noëm cū filiis filiabusque in vniuersum octo saluasset, vixerit deinceps Noë post Diluuiū Annos 300. quo tēporis spacio ita in immēsum aucta sit eius progenies posteritasque, vt colonias educere in diuersas orbis partes coacti sunt. Filio itaque Noë Cham nascebatur Chus, illi Nimrothus, huic Belus Iupiter, qui Ninum genuit, is vrbem condidit Niniuen ingentem, ascita sibi in vxorem regina quadam Chaldaea, ex qua filium suscepit Trebetum, postmodum vxorem duxit aliam Semiramidem, ex Iaphetis posteris (Ascalonitis ea erat.) Mortuo autem Nino rege, Semiramis regnavit Babylonijs annis 42. Ea præterquam quod Virago esset, impendio impudica erat, vnde cum filium priuignum ad concubitum sollicitaret, ac quasi vrgeret cogeretque, ipse cum iustus virtutisque amans esset, quo matris nefariū conatum simulque sibi imminens periculū euitaret, cum de comœtu viaticoque prospexisset, conscensa nauī cum comitatu suo mari sese commisit, orans D. Opt. Max. nauim in longinquam, ignotamque; aliquam terram dirigeret, in qua à matris malitia impudicitiaque; securus esset, post longā tandem nauigationem ei loco quo Rhenus flu. in Oceanum effunditur, appulit. Quare cum vniuerso comitatu suo, ac iumentis aduerso Rheni flumine ascendens ad Mosellam amnem peruenit, cumque ad eum locū quo Treueris hodie sita est, peruenisset, regioque, agris, pratis, amnibusque irriguis amœnissima, montibusque; quasi naturali muro munita arrideret, illic inito cum Comitibus consilio, manere statuit, condita itaque vrbe, ipsi eam Principis sui nomine Trebetam appellauere. Illi itaque populi vrbem nomenque suum vetustum etiamnum seruant, vno alteroque tantum mutato elemento: vt pro Trebera Treuera nunc dicatur, apud hos insignis olim cognoscendarū causerū curia populi Romani erat. Archiepiscopali hodie dignitate ac principatu nec non & electoratus titulo clara est. Habetque Ecclesiam Metropolitanam Mediomatricis, Leucis, Virodunensibusque præfidentem. Continet autem Treuerensis Episcopi ditio Comitatus Wirnebergensem, Spanheimensem, Manderfcheitemsem, & Arburgensem, Baronatus item à Ryffercheit, à Rulingen, & à Rhineck. Complectiturque præter tractū Obrincanum, quem vulgò Hunnorum recessum, seu vt nonnulli volunt, Canis tergum, vernacula autem lingua *Hunds-ruck* appellant, Westerichæ

quoque, id est, Occidentalis regni olim dicti, & Eysalia portionem, & quæ Ripuaria dici solet, terra inter Mosellam, Rhenum atque Mosam posita. Ciuitates in eo tractu sunt Sarburgum Imperialis, Beilsteinium, Trarbachum, Cella, Confluentia, à confluentibus duorum celeberrimorū amnium Rheni & Mosellæ dicta, oppidum est nobile & antiquitate clarum. Boppardum olim Bodobriga, Veldentium, Bacharacum. Omnium autē caput ipsa Treueris. Naturali loci (vti Simon Richwinas ad Munsterum scribens testatur) satis est ad delicias & amœnitatē fictam, siue montes & valles, siue flumina & riuos pratis interiectis spectare velis. Montes Bachico cultu virent, ager satis hic est fœcundus, omnis generis pisces & ferina hic abundant. Mores hominum hîc natorum plerunque tristes sunt, & ad Melancholiam procliuēs, sed tamen mansuescunt, paulatim cōmercio extraneorum, & Stoicum illud supercilium conuictu seu recreatur. Ausonius benè de Treuiris meritis, alicubi de illis aptissimè ait: *Quin etiam mores & lætum fronte seuera Ingenium natura suis concessit alumnis.* Aer frequenter hic est nubilus & pluuiosus, vt quidam huc accommodant cloacam Planetarū, verū id propter conuallem, vbi nebulæ suspenduntur, euenire dicimus. In vniuersum Mosellanorū corpora laboribus induruerunt admiraculū, per montes aërios, veluti capræ reptare & euadere spectantur. Palatium Treuiri est spectandæ antiquitatis. Aliæ insuper moles adhuc extant, aliæ sub cæcis terræ speluncis sepultæ iacent, & hætenus ille. Quantum verò attinet ad terram Obrincani tractus, ea paucis ab hinc annis ad magnam fertilitatem est perducta, antea enim ægrè produxit frumentum, nisi solum prius duobus aut tribus annis fuisset fimo maceratū: nūc verò omnia ibi satis largiter proueniūt præter vinum, quod tamen iuxta aureum fluuium, nonnullisque alijs locis crescit. Est & Eysalia terra multum montosa & aspera, agerque; præsertim in medio syluestris & squalidus, vnde præter auenā vix quidquā elici potest. Versus Rhenum tamen & Mosellā fœcundior est. Fluminibus autē rigatur is tractus Kil, qui & Gelbis, Pruiim, Vr, Sara, Ahra, Sura, ac infinitis alijs ignobilioribus amnibus, torrētibus ac riuulis, qui omnes tandem Mosellæ, quæ Obrinca Ptolomæo dicitur cōmixti, ad Rhenū deferuntur. Montes quibus regio asperatur Meliboci, Abnobiq; portiones sunt, alicubi Ostlingus, alibi Hairicus dicitur. Sylvæ verò partim *Wester-waldt*, partim verò *Eyder-waldt* & *Ebers-waldt* vocantur. Lacus continet hic tractus binos, quorū alter iuxta castrū Vlmen extat, tantæ profunditatis, vt fundus illius nulla mensura possit deprehendi, plumbo etiam ad 300. orgyas dimisso. Alter haud procul abest à monasterio quodā dicto *Zum-laich*, profundus & hic est, nec vllū riuum recipiunt, cum multos emittant. In hoc Laichensi lacu lapides inueniuntur viridis, crocei & rubicundi coloris, vt Smaragdos & Hyacinthos mentiatur. Minærarū penè omnis hic tractus fœcundus est. In Comitatu Spanheimensi haud procul à Trarbacho iuxta Hersteinensem arcem æs, cuprumque; purissimū eruitur, à quo nullū segregatur argentū, ob idque; ductile est, cum nullū ei admisceatur plumbum. Alio in loco prope Trarbach, effoditur plumbi magna copia, quod sine impensis magnis depuratur. In Birckenfeldensi præfectura, in pluribus locis argenti venæ sese afferunt fossoribus. Similiter prope Creutzenacum argenti fodina quadam reperta est, sed hætenus neglecta. Argentū etiā circa Mayen oppidum effoditur. In dominijs Sleida, Cronenberg, & Keila in valle Hellental dicta, sunt ferri minæ, vbi massa & fornacis fusiles fiunt, qui vltra citraque per Germaniam transportantur. Thermæ ægritudinibus varijs salutare visuntur in Bertric, distantes à Mosella amne sesquimiliario. Terminatur à Septentrione Comitatu Nassawensis, Ducatu Montensi, & Episcopatu Colonienfi, ab Oriente Ringouia & Hafsia, à Meridie Westerichia & Bipontino Ducatu, ab Occidente Ducatu Lutzenburgensi. Locus eius Occidentior longitudinē habet grad. 28. min. 16. vbi Schoneckū, Orientalior autem grad. 29. min. 53. vbi Wesalia. Meridionalior autē latitud. habet grad. 48. min. 50. vbi Sarburgū, Borealior autē grad. 50. min. 4. vbi Andernacū, vnde climati subest octauo, paulò post eius initiū, penè ad medium usque; eiusdē, parallelus itaque per eam transiens 17. est numero, Heterosciorū autē vndecimus. Diem proinde habet maximā horarū 16. aut paulò vltra. Longitudinē autē obtinet ab Occidēte in Orientem mill. Germa. 17 $\frac{1}{2}$. seu Italic. 70. latitudinem autem à Meridie in Septentrionem mill. Germa. 74. Italic. autem 82. *178. demiranda*

Cautum est priuilegio Regiæ Maiestatis Hispaniæ, ne quis Calcographus in hoc Belgico, aufit præsentē Librum, cui titulus est, *Speculum Orbis Terrarū*, intra annos octo quoquo modo imitari, imprimere uè, neu alibi impressum ueniam exponere ac distrahere, citra authoris cōsensum: qui secus faxit, confiscatione librorum, ac insuper sex florenorum multa pro quouis librorum multabitur, prout latius in Originalibus literis patet.

Datis Bruxellæ in consilio Regis priuato, Anno salutiferi partus 1577.

Subsig.

De Boote.



*Idem Casarea Maiest. Priuilegium interdictum, ad annos 10.
Datum Vienna Anno 1575.*

Hoc Geographicum totius Germaniæ Imperium, repræsentans *Speculum*, nihil continet fidei Catholici contrarium, aut bonorum morum offensuum, quinimo multum utilitatis studiosis est allaturum: quare imprimi posse iudico. Datum Antverpiæ Idibus Septemb. Anno 1573.

*Syluester Pardo S. Theolog. Licenciatus, & Cathedr.
Ecclesiæ Antuerpien. Canonicus.*

Venundantur Antverpiæ, in platea vulgò dicta, de Catelene Vesten,
ad interfigne Floreni aurati, in ædibus
Gerardi de Iode.

Typis Gerardi Smits.

P. F.  D. M. 
1. 5. 2. 2.
S.^{no}

